

# Stjórnarfundur FFÁ, haldinn 12. apríl 2012 í Digranesi

Mættir: Anna María formaður, Brynhildur gjaldkeri, Gunnar varaformaður, Selma meðstjórnandi, Sigurður meðstjórnandi og Sólveig ritari.  
Einnig mættar Anna Pála og Valgerður úr vorhátíðarnefndinni  
Fjarverandi : Særún meðstjórnandi.

## 1. Fundur settur. Anna María setti fundinn kl. kl 20:40

### 2. Vorhátíðin

Vorhátíðarnefndin mætti til að ræða um undirbúning vorhátíðar. Nefndin er að byrja undirbúning.

Ræddar voru ýmsar hugmyndir varðandi fyrirkomulag og annað. Niðurstaða var að stefna á 1. júní á skólatíma og hún fari fram í samvinnu skólans og foreldrafélagsins. Nefndin byrjar á að hafa sambandið Sigrúnu skólastjóra varðandi dagsetningu og samstarf.  
Ákveðið að foreldrafélagið kaupi sippubönd, stultur o.fl. til að eiga og nota á vorhátíðum.

### 3. Breytingar á stjórn

Gunnar verður varaformaður fram að aðalfundi og Karen Jenný varamaður í hans stað.

### 4. Vinafjölskylduverkefnið

Anna, Selma og Sigurður fóru á samráðsfund sem haldinn var 20.mars með þeim skólum sem eru komnir af stað með þetta verkefni. Mættir voru fulltrúar frá Háteigsskóla, Austurbæjarskóla, Laugarnesskóla, Vesturbæjarskóla og Álfhólfsskóla.

Selma kynnti helstu atriði sem fram komu á fundinum.

Bent var á að miklu máli skiptir að þetta verkefni sé í umsjá foreldrafélagsins en ekki skólans og að umsjónarkennari og bekkjafulltrúar séu í tengslum við verkefnið.

Ábending kom fram um gott sé að byrja smátt t.d. bara í 1.bekk.

Anna María ætlar að byrja á að tala við 2 mæður í 4. bekk hvort þær séu tilbúnar að taka að sér að vera umsjónarmenn verkefnisins fyrir foreldrafélagið.

### 5. Bingóið sem haldið var laugardaginn 24. mars

Bingóið gekk vel og var vel sótt. Það var haldið í salnum í Digranesi því að salurinn í Hjalla hafði verið pantaður sl. haust. Stefna því á að panta salinn í Hjalla um leið og starfsáætlun verður gerð og dagsetning bingósins liggur fyrir.

### 6. Fréttabréf FFÁ

Textinn í fréttabréfið er að verða tilbúinn og ætti að vera tilbúinn til yfirlstrar í byrjun næstu viku.

### 7. Árshátíðin 20. apríl

Árshátíðin er haldin á vegum félagsmiðstöðvar og hefur ekki verið óskað eftir aðstoð foreldrafélagsins við undirbúning.

### 8. Aðalfundur FFÁ

Ákveðið var að halda aðalfundinn 15. aí kl. 20, í Hjalla. Anna pantar salinn.

Ákveða á næsta stjórnarfundum þegar gjaldkeri er búinn að skoða tekjur og gjöld ársins hvort eigi að gera tillögu um hækkað árgjald.

Gunnar og Sólveig hafa ákveðið að hætta í stjórn.

Rætt hvað þyrfti að undirbúa fyrir fundinn: Skýrslu stjórnar, ársreikninga, dagskrá og finna fundarstjóra.

Auglýsa fundinn fljótlega og óska eftir framboðum til stjórnar. Kjósa á um formann, 3 stjórnarmenn og annan skólaráðsfulltrúann.

### 9. Önnur mál

- Fyrirspurn hefur komið til foreldrafélagsins um aðgerðaráætlun skólans varðandi einelti. Fela Særúnu skólaráðsfulltrúa að gera fyrirspurn á næsta skólaráðsfundi hvernig brugðist er við eineltismálum í skólanum.

- Ákveðið að senda ýmsar auglýsingar sem berast til foreldrafélagsins áfram til bekkjarfulltrúa.

**10. Fundi slitið. Anna María sleit fundi kl. 22:00**

Fundargerð ritaði: Sólveig B. Hlöðversdóttir, ritari